

Ապահովական ընկերություններն բաւական կը վնասուին. շատ նաւեր իրենց բեռը ծով կթափեն ալէկոծութեան պատճառաւ: Կնկան մէկն ալ իր էրիկը ծով կնետէ:

9 - 16 Մարտ

Հողմը չդադարեցաւ:

Տեղ - տեղ կանձրեւէ:

Գաւառի մը մէջ սովը կասստկանայ: Հանգանակություններ կբացուին սովելոց յօգուտ:

Անբան կենդանիներու մէջ հիւանդություն երեւան կու գայ. բանաւոր կենդանիներու մէջ դրամի պակասութենէ ուրիշ բան չտեսնուիր:

Վաճառականին մէկը տասը հազար ոսկի կը վաստակի սնանկութեամբ:

16 - 22 Մարտ

Ձմեռը կծերանայ:

Բաղդատեցէք *ձմեռ* եւ *ծեր* բառերն. կը կարծուի թէ *ձմեռը ծերէն* ելած ըլլայ, *ծերն* ալ *ձմեռէն*: Բանասէրներուն կարծիքը կը հարցուի:

Այսու ամենայնիւ չըլլայ որ հագուստնիդ թեթեւցնէք. հագուստի մասին որեւէ փոփոխություն եւ վնասակար է այս միջոցիս. հագուստը սկզբունքի չնմանիր:

22 - 31 Մարտ

Հողմային պարզություն:

Մրտի պարզութիւնը կը փնտռուի: Մսին գինը կբարձրանայ:

Երկաթուղոյ մ'ընկերությունը կորոշէ առագաստ բանալ իւր կառքերու վրայ, որպէս զի քիչ մ'աւելի արագ ընթանան:

Այս ամսուան մէջ ծնող մանչերը ազգային նուիրատութեանց չեն մասնակցիր եւ ազգին մէջ կռիւ հանելու տրամադրություն կ'ունենան: Իսկ աղջիկներն պճնասէր ու շռայլ կ'ըլլան:

Մայրէ՛ր, խնայեցէ՛ք ազգին: